

垣公勝蹟

唐宣宗勅封垣公詔

奉

天承運

皇帝詔曰朕當危難之際晦迹雲遊遍歷天下塵埃物色
邈矣無人惟有芟山鄒垣別具眼界識見超羣遇朕道左
禮延於庭燕衍情摯夙夜殷勤傾蓋談心懇切肫誠朕今
嗣登大寶理宜進爵以答前庥何三詔下逮表謝固辭不
臣不賓誠盛德可嘉茲特

賜號清隱居士封桂里狀元朝議大夫之職爾妻張氏封
東魯賢德一品夫人爾子珏珊珂三人俱封鎮國將軍爾
媳童氏陳氏劉氏俱封鎮國夫人玉印一函食邑三千石
錦袍一件玉帶一圍

御翰寶扇一柄以示寵錫汝往欽哉無斁

唐會昌六年六月六日詔行

垣公誥封

御勅誥命

奉

天承運

皇帝勅曰堂堂清隱一世之傑德潤金石忠貫日月晚節
昭回光輔奕葉粹玉無瑕至剛不折大中元年上祝

皇恩下賜寶誥

御翰寶扇

清風高節務光許由卷舒自得動靜何求任意揮灑身在

瓊樓

詔垣賀對

仁靄乾坤宏聖國

壽齊日月永皇圖

勅賜垣清隱對

恩新不改衣冠舊

道重方知富貴輕

賜垣壽

兒孫奉養朝如暮偕老安同秋復春舉酒年年來祝壽恩
波祇是福康寧

唐會昌四年正月十三日

宣宗微遊幸山海棠洞見鄒氏福神祠贈詩曰

新春偶爾到靈臺萬斛紅蓮花正開簾外忽然香霧起神
仙曾下九天來

會昌五年中秋駕至芟山吟詩

一年好景是中秋仗劍高歌福地遊八百神仙嚴輶駕三
千士女擁行裘彩雲影散天垂蓋蠟炬光浮月滿樓我憶
頻年行樂處九天青霧遍滄洲

堦公任滿拜請成都府送清源真君歸駕山修

廟讚云

巍乎不動坐靈邱昔日曾經灌口遊遊宴乘風陪鳳輦逍

遙終日在龍樓九天得道朝雙闕
易地彰名遍九州合保
太平沾吉慶千秋萬歲贊皇猷

駕山祠縣志云鄒墀任成都路丞秩滿帶清源真君於此
地以己山祀之

先人曾任路丞官傳帶真君祀此山勝地尙留唐御墨明
神曾受宋衣冠英靈坐鎮乾坤老香火朝垂社稷安遐邇
士民沾德澤四時觴海謁瑤壇

朱晦庵題詩

清隱傳東魯堂楣祐歲華山靈來鳳詔駕幸駐鑾車詩禮

昭先澤聲光足世家綿綿千古續奕葉馥天葩

續公題駕山十景

虔里同源一派分卜居此地蟄兒孫鑾輿昔幸先人館鳳
詔曾臨尙義門山擁鐵城來正脈水環玉帶抱前村地靈
畢竟人生傑清隱芳名亘古存

清源古廟

真君勝境自幽沈靈應能令萬眾欽東魯宗祠千古祀神
心應契至誠心

宣宗見山開紅花喝令開黃花故題

對戶南山鬱鬱青
唐君顧問始稱名
盤蛇重嶂蟠龍勢
平秀圓峯聳鳳形
春到花明鋪錦繡
雲開日麗列幃屏
王言題品英靈在
紅變黃花萬古馨

鼓樓高崗

玉輦曾經此地遊
雞人嚴設候更籌
天開形勝排青闥
巒列嵯峨聳禁樓
曩昔漏聲鳴五夜
至今名譽播千秋
吾門多少雲程客
幾度登臨一豁眸

華林聳翠

高出雲霄分外奇
崗巒倚勢列東西
墨濃絕頂烏雲罩
峯

秀連天碧草樓幾度文人增勝慨能令詩客快留題卓然
屹立無今古子姓登臨賴作梯

桂峯山景

高山天作聳虛空上遞蟾宮桂子峯峯插碧霄人附鳳天
連石磴士攀龍身倚紅日九重足步近青雲萬里通畢竟
先人多積慶蟬聯子姓顯褒封

題中港漁歌

港渚漁歌一派長漁翁開釣水雲鄉翠蘋香裏半竿竹綠
柳陰中一葉舫停棹放歌聲欸乃得魚沽酒樂徜徉等閒

咏罷滄浪曲笑着羊裘沐寵光

橫琴嶺翠

岐山平秀似瑤琴屹鎮鄒垣亘古今雲散林巒橫玉軫風
生松壑奏清音翠岑雨過龍曾化丹穴年深鳳自吟坐對
軒窗無個事陽春歌舞醉沉沉

梅子山塋

憶昔先人自沐恩百年合葬寵新墳山頭碑著千年字連
理枝招萬古榮野草迷煙垂白晝閒花飲酒醉黃昏四時
風木予猶感幾度登臨日易曛

芭山牧唱

芭山雨歇夕陽收
牧侶乘牛樂自由
來便笑喧眠曲徑
歸時呼喚過前邱
數聲別調青山曉
一曲清音碧樹秋
寄語且修歌白石
齊桓應是再逢否